

新刊國朝二百家名賢文粹

新刊 國朝三百年名賢文粹卷第二百九十五

雜文

題跋五

書韓退之淮西碑後 但來先生

淮西之賊五十年王師屢戰無功天啓神筭以授裴度度克恭  
行天罰以夷大叛天下之兵百十萬之將過時不下度寔大謀  
以任李愬愬克生登賊城以殲元兇淮西以平蔡人以生天人  
相與乎君臣協心乎上下同力乎推其用則度得天也愬得人  
也計其功則度任智也愬任力也曰燥者曰潤者久止知其風  
雨也曰生者曰成者人止知其春秋也然不動而運其用者天  
也曰戰者曰勝者人止知其愬也光顏也重裔也然無爲而任  
其謀者度也漢高帝取天下蕭何元汙馬之勞韓信攻必取戰  
必勝曹參身被七十創而功居何下而曰發蹤指示者人也追  
殺獸者狗也度與愬之功亦猶是乎文公置昧此也著辭於碑

優度功誰曰不實也初度輔政以群賊未除宜延接奇士共爲  
籌畫乃請於私第接延賓客自是天下賢俊得以効計議于丞  
相則取蔡之謀已落於彀中矣諸將連年出兵玩寇相視持以  
歲月未有成功而群臣皆欲罷兵度獨唱堅議與上協心計定  
意斷衆不能破請身自督戰且曰誓不與此賊偕全則得勝之  
筭已運於堂上矣及至鄆城巡撫諸軍宣達上旨士皆賣勇時  
諸道兵皆有中使監之軍陣進退不曰主帥勝則先使獻捷偶  
軋則凌挫百端度至行營並奏去之兵柄專制之於主將衆皆  
喜悅軍法嚴肅矣令畫一則將軍之令專行於閫外矣以天下  
取蔡之謀堂上得勝之筭閫外將軍之令合而用之一而行之  
易曰師正文人吉有不利乎七月度出十月賊平成天下之務  
通天下之志不疾而速不怒而威非惟幾惟深與神其孰能與  
於此乎故曰度得天也其功無敵於天下矣

有問於張子者操賞罰榮辱以勢臨天下者莫不欲天下勸沮  
於其實罰取舍於其榮辱而其勢常有所不行蓋有益勸而人  
益羞愈沮而人愈慕若韓退之於唐始若此矣退之所自負與  
世之所推者於德莫如好直於藝莫如文章然以直取禍則逐  
山陽貶潮陽以文章招累則其文詞一世莫尚試於有司屢試  
而屢黜平生所述國家大事獨有平淮西碑耳然刊者未畢而  
磨者至矣是宜沮喪湮滅與時俱亡泯然无所見於世矣然每  
斥而名益彰每沮而事益顯抑者之力不勝譽者之舌雖退之  
亦自謂動而得謗名亦隨之是誠何說也張子曰是何足恠昔  
者先王之賞罰榮辱所以奔走而從之者惟其取天下之所欲  
勸者而賞且榮之取天下之欲沮者而罰且辱之故賞一人而  
人勉惟恐其不若也罰一人而人懼惟恐其似之也且先王安  
能以已之所好惡而力驅天下以從我哉直取天下之榮辱而  
制天下之向背耳彼唐之行政其昏惑昏亂无所取衷制好惡

可否於一已之私智而濟之以較欺之藝何惟夫所沮者人慕  
所進者人恥歟且彼惟不可抑也是以愈抑而聲愈振子獨不  
見夫千仞之水決而注之川乎大木梗之大石捍之排以巨峽  
迫以高麓而後怒号哮吼聲振百里抑之者愈大則其聲也愈  
暴故小過之則小鳴大塞之則大震何則彼其勢惟不可止故  
也何惟夫身益困名益聞也

書林和靜詩

豫章先生

歐陽文忠公極賞林和靜疎影橫斜之句而不知和靜別有詠梅一  
聯云雪後園林繞半樹水邊籬落忽橫枝似勝前句不知文忠公何  
緣弃此而賞彼文章大槩亦如女色好惡止繫於人

書幽芳亭

豫章先生

士之才德蓋一國則曰國士女之色蓋一國則曰國色蘭之香  
蓋一國則曰國香自古人知貴蘭不待楚之逐臣而後貴之也  
蘭蓋甚似乎君子生於深山叢薄之中不爲無人而不芳雪霽

凌厲而見殺來歲不改其性也是所謂遯世無悶不見是而無悶者也蘭雖含香舄潔卒居蕭艾不殊清風過之其香鬻然在室滿室在堂滿堂是所謂含章以時發者也然蘭蕙之才德不同世罕能別之予放浪江湖之日久乃盡知其族姓蓋蘭似君子蕙似士夫槩山林中十蕙而一蘭也楚辭曰予既滋蘭之九畹又植蕙之百畝以是知不獨今楚人賤蕙而貴蘭矣蘭蕙叢生初不殊也至其發華一幹一華而香有餘者蘭一幹五七華而香不足者蕙意雖不若蘭其視椒楸則遠矣世論以爲國香矣乃曰當門不得不鋤山林之士所以往而不返者耶

書壺中九華山石

同前

湖口民李正目得奇石九峯相倚蘇子瞻戲名曰壺中九華又有老巫鄰生以三奇石隨高下舄著成屏風三疊余戲名曰屏後屏風它日湖中石百怪並出當以此兩石爲祖云三石色紺青嵌孔貫穿擊之鏗鏗靜而視之皎澄雲雨之上諸峰隱見忽

然疑於九十九五老筆之疑於五六也揭而示俗以求賞焉  
見其支醬孰於牆角也世有出塵之因然後此石為蕭雅錄  
迹者象仁太守費數十萬錢自嶺西負載三石北歸妻子不免  
寒餓未知與此孰賢也

題李白詩草後

同前

余評李白詩如黃帝張樂於洞庭之野無首无尾不主故常非  
墨工槩人所可擬議吾友黃介讀書壯優多論曰論文政不當  
如此余以為短言及觀復葉書其類其詩所使人欲想慨然自  
在開元至德間不能以書傳今其行世殊不減古人蓋所謂不  
煩繩削而自合者歟

跋書柳子厚詩贈王觀復

同前

予友生王觀復作詩有古人態度雖氣格已超俗但未能從容  
中玉佩之音在圭繩右矩尔意者讀書未破乃養觀古人之  
文章未能從得其規摹及所摠括見籠絡但知玩其山龍翻蔽成

章耶故手書柳子厚詩數篇遺之欲知子厚如此李淵明乃為能近之耳如白樂天自云效陸淵明數十篇終未近也

書王元之竹樓記後

同前

或傳王荆公稱竹樓記勝歐陽公醉翁亭記或曰此非荆公之言也某以謂荆公出此言未失也荆公評文章常先体制而後文之工拙蓋嘗觀蘇子瞻醉白堂記戲曰文詞雖極工然不是醉白堂記乃是韓白優劣論耳以此考之優竹樓記而劣醉翁亭記是荆公之言不疑也

書筠州學記後

同前

中書曾舍人作高安學記極道學之所由廢興論士大夫之師友淵源常出於一世豪傑之士至於長育人材而成就之則在當塗之君子其言有開塞二可以為法戒而所託書畫果不妄者因不能玩思於斯文後二十有七年柳侯為州政優民和乃龍石故刻而謀畫於亭告之以公弟乘雅善小篆通六書之意



下筆皆有依據可為斯文並傳柳侯則以畫圖乘於紫陽而刻之初有獻疑者曰今士大夫不知古文十室而九夫篆固面牆之書耳又安能發揮曾子之文章邪柳侯曰曾子之文章豈希價於咸陽而椎鋒於稷下者哉三代之鼎彝其字書皆妙蓋勒之金石垂世傳後自必託於能者吾為今古鉤深者謀不為單見淺聞者病也予觀柳侯可謂好古不流俗者矣柳侯名平武陵人字子儀於是為左朝請郎

書韓忠獻詩杜正獻草書 同前

杜子美一生窮蹙作詩數千篇而日月爭光永州舊懷素李草書坐卧相成筆畫三十年无完衣被乃得自名一家死者不可作今觀向書令韓忠獻公詩太師杜正獻公作草安用忍如許窮餓

書歐陽子傳後

同前

高安劉義仲杜與序列歐陽文忠公之文章論次荀卿揚子雲

之後又考其行事爲歐陽子列傳余三讀其書而告之曰昔壯  
興之先君子道原明習史事撰十國紀年自成一家今壯其富  
於春秋筆端已有史氏風氣它日當以不朽之事相傳也昔司  
馬談之子比劉向之子歆班彪之子固王銍之子隱辨察之子  
簡李大師之子延壽劉知幾之子鍊皆以繼世功在任簡而舊  
史筆法之美劉氏再顯今使壯與能盡心於春秋之舊章以考  
百世之典籍各澡先君子之凡例者是去非則十國之事雖淺  
筆法所寄自當爲日月爭光壯與能同勉之之楚而南轅道雖悠  
遠要必至焉

書舊本韓文後

六一居士

予少家漢東使東僻陋无幸者吾家又貧无藏書州南有大姓  
李氏者其子君輔頗好學予爲兒童時多遊其家見有韓崔貯  
故書在壁間發而視之得唐昌黎先生文集六卷脫落顛倒无  
次第因以李氏以歸讀之見其言深厚而雄博然予尤少未及

夫究其義徒見其然然無涯若可愛是時天下幸者楊劉之作  
号爲時文能者取科第擅名聲誇榮富貴未嘗有道韓文者予  
亦方舉進士以禮部詩賦爲事年十有七試于州爲有司所黜  
因取所藏韓氏之文復閱之則喟然嘆曰學者當至於是而止  
亦因怪時人之不道而顧已亦未暇學是時時猶念于予心以  
謂方從進士干祿以養親苟得祿矣當盡力于斯文以償其素  
志後七年舉進士及第宦于洛陽而尹師魯之徒皆在遂相與  
作爲古文因出所藏昌黎集而讀之求人家所有舊本而校  
定之其後天下幸者亦漸趨於古而韓文盛行于世至于今蓋  
三十餘年矣學者非韓不學也可謂盛矣嗚呼道固有行於遠  
而止於近有忽於往而貴乎今者非止世俗好惡之使然亦其  
理有當然者而孔孟僅僅於一時而師法於士方出韓氏之文  
淺而不見者三百年而後大施於今此又非特好惡之所上下  
蓋其久而愈明不可磨滅故予暫而終耀之無窮者其道當也

也予之始得於韓也當其沈役弃廢之時予固知其不足以追  
時好而取勢利於是就而李之則予之所爲首豈所以急名譽  
而干勢利之用哉亦志乎久而已矣故予之仕於進不爲豈退  
不爲懼者蓋其志先定而所李者宜然也集本出於蜀文字刻  
畫頗精於今世俗本而脫謬尤多凡三十年間聞人有善宋者  
必求而改正之其最後卷秩不足今不復補者重增其故也子  
家藏書房巷獨昌黎先生集爲舊物也嗚呼韓氏之文之道万  
世所共尊天下所共傳而有也予於此本特以其舊物而尤惜之  
闕者多矣

書李翱集

六一居士

書梅聖俞詩藁後

六一居士

凡樂達天地之和而與人之氣相接故其疾徐奮動可以感於

動欣惻愴可以察於聲五聲出於金石不能自和也而工者  
和之然抱其器知其聲節其廉肉而調其律呂如此者工之善  
也今指其器以問於工曰彼簧者簧者堵而編執而列者何也  
彼必曰鼗鼓鐘磬瑟管干戚也又語其聲以問之曰彼清者濁  
者剛而奮柔而曼衍者或在郊或在廣堂之下而雖者何也彼  
必曰八音五聲六代之曲上有歌而下者舞也其聲器名物皆  
可以數而對也然至乎動盪血脉流通精神使人可以喜可以  
悲或歌或泣不知手足鼓舞之所然然其何以感之者則雖有  
善工猶不知其所以然焉蓋不可得而言也樂之道深矣故工  
之善者必得於心應乎手而不可述之言也聽之善者必得於  
心而會以意不可得而言也堯舜之時憂得之以和人神舞百  
獸三代春秋之際師曠州鳩之徒得之為樂官理國家知  
興亡周襄官失樂器論孟最之河海逾千百載間未聞有得之  
者其天地之和氣相接者既不得出於金石疑其遂獨鍾於

人故其人之得者雖不可和於樂尚能歌之為詩古者登歌清廟大師掌之而諸侯之國亦各有詩以道其風土性情至於投壺饗射必使工歌以達其意而為賓樂蓋詩者樂之苗裔而漢之蘇李魏之曹劉得其正始宋齊而下得其淳淫流佚唐之時子昂李杜沈宋王維之徒或得其淳古淡泊之聲或得其舒和高暢之節而孟郊賈島之徒又得其悲愁鬱鬱之氣由是而下得者時有而不純焉今聖俞亦得之然其肺長於本人情狀風物英華雅正變態百出嗟乎其似春懷兮其似秋使人讀之可以喜可以悲陶暢酣適不知手足之將鼓舞也斯固得深者邪其感人之至所謂與樂同其苗裔者邪余嘗問詩於聖俞其聲律之高下文語之疵病可以指而告余也至其心之得者不可公言而告也余亦將以心得意會而未敢至之者也聖俞久在洛中其詩亦律之人以自有之今將告歸余因求其藁而寫之然未前所謂心之所得者如伯牙鼓琴子期聽之不相語而意相

知也余今得聖俞之墓猶伯牙之琴絃乎

書柳子厚牛賦後

東坡先生

嶺外俗皆恬殺牛而海南為其客自高化載牛渡海百里一舟  
遇風不順渴飢相倚以死者無數牛登舟豈哀鳴出涕既至海  
南耕者與屠者常相半病不飲藥但殺牛以禱富者至殺十餘  
牛死者不復去幸而不死即歸德於巫以巫為醫以牛為藥間  
有欲藥者巫輒云神怒病不可復治親戚皆為却藥禁醫不得  
入門人牛皆死而後已地產沈水香者必以牛易之黎黎人得  
牛皆以祭鬼無脫者中國人以沈水香供佛燎帝求福此皆燒  
牛肉也何福之能得哀哉予莫能救故書柳子厚牛賦以遺瓊  
州僧道寶使以曉喻其鄉人之有知者庶幾其少褻乎庚辰三  
月十五日記

書唐歐陽詹集

南豐先生

韓愈作歐陽生詹墓哀辭其序曰讀其書知其於仁孝最至也余

觀其出門懷歸等賦思曰愈之所稱豈謂此耶又觀其陶器銘  
駕驥詩等則悲生之志焉至棧道銘觀其鑄金篆墨之論至珍  
祥論觀其反復風諭則又知生之尤魁怪於文而其材果奇也  
最後觀其明誠論平白知之者知之者知之知生於此甚  
自負其說三四觀之而其說皆不出於舊生卒無已見者不知  
生於此何其自大也則又思余舅氏吳君嘗論平生之所謂尹  
喜自明誠而長生公孫弘自明誠而為卿張子房自明誠而轉  
劉公孫鞅自明誠而佐嬴氏者為非是明誠之非為長生為卿  
非尹喜公孫子房商君之所能至其理校然舅氏之論無疑矣  
此於生為一失於舅氏非其意所極也與生材高下如何故不  
可知其可知者舅氏之從事於明誠可謂知所存矣用不溺而  
趨於為長生為卿為子房之譎商君之刻薄可必也則其材亦  
誠卓然可畏者也惜乎死矣不得見其施之於行事而其論與  
其集今皆云使其有補於生與後世者獨余知之而世不得盡



知也故書於生集之末以見其意焉曾氏臨川人講迴字明遠死  
特年三十四

書吳道子畫後

東坡先生

智者創物能者述焉非一人而成也君子之於學古工之於技  
自三代歷漢至唐而備矣故詩至於杜子美文至於韓退之書  
至於顏魯公畫至於吳道子而古今之變天下之能事畢矣道  
子畫人物如以燈取影逆來順往旁見側出橫斜平直各相乘  
除得自然之數不差毫末出新意於法度之中奇妙理於豪放  
之外所謂游刃餘地運斤成風蓋古今一人而已余於他畫或  
不能必其主名至於道子望而知其真偽也然世罕有真者如  
史全叔所藏平生蓋一二見而已元豐八年十一月七日書

書耶崇韻卷後

宛丘先生

自古大臣權勢已隆極富貴已充滿前無所希則必退為身慮  
自非太姒雅包異志而夫其庸為昏闇耳鮮有不然者然其為

慮也實難不慮患之大深計之不工然異日豐泉之所起往往自夫至深至工是故莫若以正夫正者操術簡而周智者為緒多而拙夫正者無所事計也行所當然雖怨仇不敢議之況繼之者賢乎耶崇韜於五代亦聰明權智之士也佐莊宗史策滅梁遂一天下自見功高權重數人議已而莊宗之昏為不足賴也乃為自安之計時劉氏有寵莊宗廢之因請立為后而中莊宗之欲又結劉氏之援此於劉氏為莫大之恩而莊宗日以昏濁內聽婦人言其為計且無如是之良者然卒之殺崇韜者劉氏也使崇韜諫計不過劉氏不能有所助而已豈知身死其手哉好謀之王敗於謀好辯之士窮於辯惟道德之士為無所窮而禍福之變豈思慮能究之哉

書田諫議錫碑陰

司馬溫公

某自始學未冠聞故諫議大夫田公當其宗踐祚之初求治方急公稽古以監今日有肅月有納以贊成咸平盛隆之治私心

慕仰想見其為人熙寧中始識公之曾孫偃師尉衍因就求觀  
公之遺文後十餘年衍爲武勝軍節度推官知沈丘縣事以公  
文集及墓銘相示且命某爲神道碑其墓銘乃故參知政事范  
公所爲也范公大賢其言固無所苟今其銘曰嗚呼田公天下  
之正人也雖復使他人竭其慕仰之心頌公之美累千萬言能  
有過於此乎其於范公無能爲役范公恨不得見田公則田公  
果何如人哉其不惟愚陋不學且不爲人作碑銘已久不敢承  
愈然常怪世人論譏其祖禰之德葉壙中之銘道旁之碑必使  
二人爲之彼其德業一也銘與碑奚以異焉若刻大賢之言既  
納諸壙又植於道其爲取信於永久豈不無疑乎願審思之脫  
或可從請附刻於碑陰之末

書王與所藏

太宗御書後

東坡先生

日行于天垂照方物之上光氣所及或統爲慶雲或爲丹砂初  
豈有意哉太宗皇帝以武功定禍亂以文德致太平天縱之能

盜于筆墨擷藻尺素之上弄翰團扇之中散流人間者幾何矣  
而三槐王氏得之爲多子孫世守遂爲希代之寶又正之孫懿二  
敏之子與出以示巨軾敬拜手稽首書其後

書懿萊公題詩後

西山先生

右寇忠愍萊公以咸平四年題此詩于閬州新井縣慈光寺公  
昔爲歸州巴東縣其一時所賦詩世尚傳之所謂巴東集是也  
新井縣當山谷窮絕之地慈光寺尤僻陋不知公以何事至此  
也嗚呼孔子念管仲之功自以不左衽爲幸公之有德於天下  
後世可勝言哉雖然澗淵之計策偉矣在公功業中特一事耳  
若夫存社稷之心合天人之謀未及施用而小人乘之中以奇  
禍至一斥以死博晚生每接長老之言未嘗不流涕也況得公  
遺迹於百年之後孰不欲拜而仰之哉並置慈光浴官于閬將模  
刻于石命博爲之記不敢有辭云

書寇萊公巴東秋風亭記後

西山先生

石寇忠愍萊公爲歸州巴東縣時所作秋風亭記謹按太宗皇帝以太平興國四年下太原盡有蜀氏四十一縣之地五年取天下所進士百二十一入官之以蘇公易簡爲首至第三十五人得寇公焉同升之士曰李公沆宋公湜向公敏中王公旦文武之道於斯爲盛記謂平晉三祀蓋太平興國六年豈當公之初仕歟後百六十年博被詔朝行在所過巴東求公遺迹而縣經災無一存者所謂秋風亭亦廢矣獨得公此記於邑人嗟夫士欲挾空言以見於世陋矣公之所立有出乎文章之外者孰得而窺之哉通守李君延昌賢而喜事將即亭之故基祠公并刻公之記於石博因得敘其興廢本末以慰夫邑之遺民之子孫忠公者

書孫之翰唐史記後

司馬溫公

孫公昔有此書其自重惜常別紙其書於笥必盥手然後啓之謂家人曰方一有水火兵刃之急使貸身盡并此笥不可失也

每公私閒則增損政易未嘗去手其在江東爲轉運使出行部亦以自隨過亭傳休止輒取修之會宣州有急變乘駟遽往不暇整以俱既行於後金陵大火延及轉運廳舍男子察親負其笥避於沼中島上公在宣州聞之亟還入門問曰書書在否察對曰在乃挽絛无所問自壯年至于田首乃成亦未以示人文潞公執政嘗從公借之公不與但錄姚崇宋璟論以与之况他人固不得見也元豐二年察自陽翟來洛陽以其書授某曰伯父平生之志萃於是書朝廷先嘗取之留禁中不出今沒二十餘年家道益衰大懼是書遂散逸不傳于人故錄以授之某昔聞公有是書固願見而未之得得之驚喜自子之貺我兼金不如顧无以爲報請受而藏之遇同好則傳之異日或廣布於天下使公之志業煒煒於千古庶幾亦足以少報乎

書韓魏公黃州詩後

東坡先生

黃州山水清遠士風書厚其民寡求而不爭其士靜而文朴而

不陋舍閭巷小民知尊愛賢者曰吾州雖遠小然王元之韓魏公嘗辱居焉以誇於四方之人元之自黃遷鄆州沒于鄆然世之稱元之者必曰黃州而黃人亦曰吾元之也魏公去黃四十餘年而思之不忘至以為詩夫賢人君子天子所以遺斯民天下之所共有而黃人獨私以為寵豈其尊德樂道獨異於他邦也欤抑二公當此州之人有宿昔之契不可知也元之為郡守有德於民民懷之不忘也固宜魏公以家艱從其兄居耳民何自知之詩云有匪君子如金如錫如圭如璧金錫圭璧之所在瓦石草木被其光澤矣何必施於用奉議郎蔡贊公素黃人也而客於公公知之深蓋所謂教授書記者也而載於公之門人謫居於黃五年治東坡築雪堂蓋將老焉則亦黃人也於是相與墓公之詩而刻之石以為黃人元窮之思而吾二人者亦庶幾託此以不忘乎元豐七年十月二十六日汝州團練副使蘇軾記

書韓忠獻公與司馬文正公書後

西山先生

治立中丞相忠獻韓公建言籍陝右之民三丁者墨其一曰義勇雖山谷窮絕之所无脫者一方為之騷動蓋得二十万人各賜錢二千曰買弓箭云民兵无紀律不可用妄為縣官之費中外无敢言者司馬文正公時為諫官論其不便以諫疏見忠獻於政事堂忠獻曰兵貴先聲後實虜聞驟益西兵二十万豈不震懼文正曰兵之用先聲為无其實時頃欺敵可耳少日情得則不能復用今虽益兵二十万其實不可用虜尋竟无懼矣忠獻不能荅復曰諫官見慶曆年間中募民初刺手背為鄉兵後刺面為正兵恐復尔耶今教榜与民約永不充兵戍邊矣文正曰朝廷失信天下不一教榜非但民未敢信其亦未信也忠獻曰吾在此何憂言之不信文正曰非但其未敢信公亦安能自信耶忠獻然曰諫官无相輕文正曰公可保長居此坐乎一



日何人代公因公已成之兵饋糧守邊惟其耳忠獻又不能  
咎然音不為正也至元豐間王荊公大變國朝舊章立新法於  
天下文正議不合不拜樞密副使以享士知永興軍繼為留司  
御史退居于洛忠獻鎮太原亦極論新法之害民者荊公命其  
屬隨語疏較摹本頌天下辱之又中以飛語忠獻迺請相州  
以歸故其書稱文正大忠大議充塞天地也博三復感嘆不以  
一時議論可否為得失如二公者可謂賢矣

書六一居士傳後

東坡先生

蘇子曰居士可謂有道者也或曰居士非有道者也有道者无  
所挾而安居士之於五物捐世俗之所爭而捨其所弃者也烏  
得為有道乎蘇子曰不然挾五物而後安者惑也釋三物而後  
安者又惑也且物未始能累人也軒裳圭組且不能為累而况  
此五物乎物之所以能累人者以吾有之也吾與物俱不得已  
而受形於天地之間其孰能有之而或者以為已有得之則喜

喪之則悲今居士自謂六一是其身均與五物為一也不知其  
有物邪物有之也居士與物均為不能有其孰能置得喪於其  
間故曰居士可謂有道者也雖然自一觀五居士猶可見也與  
五為六居士不可見也居士殆將隱矣

書范蜀公博後

元城先生

熙寧中王介甫初拜叅知政事神考方勵精求治一日紫宸早  
朝二府奏事頗久日刻既晏因問對官於後殿須臾更衣復  
坐以次贊引時呂獻可任御史中丞將待對於崇政殿而司馬  
溫公為翰林學士待講述英亦將趨資善堂以俟宣召相遇於  
朝路並行而以溫公客問曰請對欲言何事獻可舉袖曰袖中  
彈文乃新叅也溫公愕然曰以介甫之文章行義命下之日眾  
皆喜於得人柰何論之獻可正色曰君實亦為此言耶安石雖  
有時名上意所向然好執偏見不通物情信好回邪喜人佞  
其言則美施於用則踈若在侍從猶或可容置諸宰輔天下

受其欺矣溫公又論之曰與公爲心交苟有所懷不敢不盡今日之論未見其不善之迹以傷公遽或別有章疏願先進呈姑留是事更加籌慮可乎獻可曰上新即位當於春秋所與朝夕謀議者二三執政而已苟非其人將敗國事此乃心腹之疾治之雖恐不及願可緩邪語未竟閤門吏抗聲追班乃趨而去溫公自經筵退默坐玉堂終日思之不得其說旣而縉紳間寢有傳其疏者往往偶語切議疑其太過未幾聞中書臺三司條列司相與講議於局中以經綸天下爲已任始變祖宗法專務聚斂造出條目頒於四方妄引周官教其誅剝之實輔弼近臣異議不能回臺諫從官力爭不可奪州縣監司奉行微忤其意則譴黜隨之於是昔之懷疑者始媿仰歎服以爲不可及而獻可終緣茲事出知鄧州嗚乎行僞而堅言僞而嗚幸非而博順非而誣咎孔子乃能識之雖子夏之賢有所不知也方公甫自小官以至禁從其行勢愈暴著於天下久矣士大夫識與不識

咸想聞其風采且曰朝之不用則已用之則必能推其所學以  
致太平及參大政中外相賀而獻可獨以爲不然衆莫不怪之  
已而考其事業卒如所料非明智不惑出於親聽之表何以及  
此易曰知幾其和乎又曰幾者動之微吉之先見也獻可有焉  
溫公既辭樞密之命退居洛陽每論當世人物必曰呂獻可之  
先見范景仁之勇決余所不及心誠服之故作范景仁傳蓋景  
仁之勇決得溫公之傳而後明獻可之先見亦成於公乎然止  
載其平生大節而自相論難之語不欲詳著政獻可之先見天  
下莫有知者予嘗從學於溫公親聞其說數賢者之正論遠識  
遂將淪沒无傳於世乃書蜀公之傳後以詔樂善之君子云

書司馬溫公洛白

橫浦先生

紹興丙子閏月二十九日某以自疾乞罷永嘉歸故里在括倉  
司馬倅手携曾大父溫公在政府日賓以洛白示某且求題其  
後某整冠肅容頓首拜拜而讀之曰嗚呼其盛已哉蓋乎其似

春也肅手其若秋也仁義中和之氣君子長者之道可得之於  
一席間矣其雖不獲登公之堂拜公之像凜凜然如任其上下如  
在其左右敢不敬乎

齊刊國朝二百家名賢文粹卷第一百九十六

雜文

題跋六

書子夏文後

陳了翁

坤之六二不書無不利其習也久矣中庸之聖人不勉而中其勉也久矣非讀書者之不書而墮者之不勉也鄉德久有讀書之室名曰勉齋曰思曰學先聖之道不勉則不至也夫中者陰陽之母往來之塗無母鳥生無塗鳥行是故中道而立則東西南北皆得其中以南望北則南者自中而指北為偏矣顧坐天下之絕工也其造開寶浮圖或譏其偏顧對之曰地多西北風未可以遽議也百工之事論偏中之理者如此者士可以不如此乎知此而勉之無適而非中也德久高材遠識可以受大樂有賢父尚論先賢有尊主敬賢之心為書是夏文三篇如子勉齋永以為好

書司馬文正元祐初在相位時與諸姪書後

西山先生

文正公自與王荆公論新法不合不拜樞密副使以去其名聲震從身牧之人矣元祐二聖既倚以爲相更張天下事不容復有回忌也時荆公尚無恙歟曰始終以新法爲不便者獨司馬君實耳蓋其賢而不敢怨也或謂公元豐舊臣類小人異日以父子之義問上則朋黨之禍作矣不可不懼公正色曰天若祐宋當無是事更之不疑嗚呼公之勇孟軻不如也此書畏避若朝夕不能自保蓋所以訓子姪者

書司馬文正公與李御史書後

西山先生

右司馬文正公與李御史書三紙一紙公休大諫代作御史名寔字景真天資之深默若不能言其師於道德者皆躬履之故洛之君子許以有顏氏子之學雖吾大父康節亦不以爲過後

歐陽文忠公稱其文似孟子洛之君子猶不從曰似顏子也故  
禮部薦名居天下第一尚不以爲重云熙寧初起爲監察御史  
裏行論王丞相亂甄祖舊置大不敬上不王其言免官去時又  
正先以疏王丞相罪解樞近爲留司御史故其書曰某愚得古  
之益者洛之君子愈自信其賢御史不誡矣始王丞相亂朝廷  
御史之言行則海島之夷不能亂天下也洛之君子後死者尚  
及悲之御史孤賈孫樞獨深念曰前人逃世雖必倚盛德大雅  
之士以免尚尋輩自居師友之盟從吾伯氏於夜郎山谷中伯氏  
晚被疾自不喜出俗書間遇凡占辭作歲記樞必踞坐膝下涉  
筆正書圓封博封之皆當其意伯氏時爲一咲雖子之事伯氏  
尚愧之樞奔走時舉先出衣冠圖書果筆尖字舊收文正此書  
復以歸之樞留洛不振甚於任氏西華諸子子非劉孝標亦撫  
之流涕寢寢矣尚出御史事於左方以示未知樞爲中州故家者  
紹興十六年四月戊申同有部傳題



書墨伯時山莊圖後

東坡先生

或曰龍眠居士作山莊圖便後來入山者信足而行自得道路如見所夢如悟前世見山中泉石草木不問而知其名遇山中魚樵隱逸不名而識其人此豈強記不忘者乎曰非也畫日者常疑餅非忘日也醉中不以鼻飲夢中不以趾捉天機之所合不強而自記也居士之在山也不留於一物故其神與方物交其智與百工通雖然有道有藝有道而不藝則物雖形於心不形於手吾嘗見居士在華嚴相皆以意造而與佛合佛菩薩言之居士畫之若出一人況自畫其所見者乎

書黃子思詩集後

東坡先生

子嘗論書以謂鍾王之迹蕭散簡遠妙在筆畫之外至唐顏柳始集古今筆法而盡發之極書之變天下翕然以爲宗師而鍾王之法益微至於詩亦然蘇李之天成曹劉之自得陶謝之超然蓋亦至矣而李太白杜子美以英偉絕世之姿凌跨百代古

今詩入盡廢然魏晉以來高風絕塵亦少衰矣李杜之後詩人  
繼作雖間有遠韻而才不逮意獨韋應物柳宗元發纖穠於簡  
古寄至味於澹泊非餘子所及也唐末司空圖崎嶇兵亂之間  
而詩文高雅猶有承平之遺風其論詩曰梅上於酸澁上於鹹  
飲食不可無鹽梅而其美常在鹹酸之外蓋自列其詩之有得  
於文字之表者二十四韻恨當時不識其妙予三復其言而悲  
之聞人黃子思慶歷皇祐間號能文者予嘗聞前輩誦其詩每  
得佳句妙語及後數四乃識其所謂信乎表聖之言美在鹹酸  
之外可以一唱而三歎也予既與其子幾道其孫師是游得獲  
其家集而予思篤行高志為吏有異材見於墓誌詳矣予不復  
論獨評其詩如此

書興龍記後

尚書黃公裳

仙廬絕境興龍盛事各壘在焉必傳于後世遂采法帖中奇字  
會成吾文兼遺廣慧使刻石于醴之異或雄壯蕭健如感義

丈夫或端謹容與如審禮文人或骨勝而清勁如修潔志士或  
肉多而敦實如有福公子或擅數術而有之文質相備進退俛  
仰自得乎其間如有道者若夫以有道者與之則不足以志士  
公子變流名之則未止形意之中無俗人情狀與奪之間輒留  
人意則吾有取焉數子書學既成雖小大長短不同然各自有  
態度頭相去數百載舉目而下如對面而揖之形見吾文乃爲  
興龍之時東林之地鴈門之法師延平之大士而後會焉固有  
分耶

書范忠獻論後法書後

西山先生

元祐初司馬文正公復差役法韓少師范忠宣皆有異議文正  
愼然謂劉器之曰二君子蔽於好名者也紹聖初楊起鈞黨少  
師謫均州其諸子言議役法不同狀得免時忠宣降永州或謂  
易自三忠宣曰吾欲無愧以死耳卒不言

書東坡帖後

王臺先生

觀東坡二帖皆游戲仙釋語乃知此翁胸中鄧周無餘爲佛爲  
老隨用自在若白樂天不作荃葉仙猶爲釋迦所縛也

書東坡黃門帖後

王臺先生

太丘道廣廣則難周仲舉性峻峻則少通東坡公伯仲一丑龍  
門士獲從之游幾半天下及紹聖之變始終一節以從公游者  
蓋亦無幾其族子表仁崎嶇萬里冒瘴癘之毒見二公於嶺表  
觀其所贈書帖則不問可知其人眉山王臺書

書東坡萬言書後

王臺先生

伏讀此書惛然而嘆至于流涕當時使神宗皇帝一悟斯言黜  
王安石而罷新法則後世無紹述之說以脅持上下無朋黨之  
論以禁錮忠良人心不搖天命不易中國強盛四夷畏服豈有  
今日失國喪地遷辱之禍乎哀哉哀哉

書東坡韓文公廟碑後

固窮先生

崇寧四年三月俊民自成都來凌雲寓居明月湖方將訪先生

遺跡而新制舊蘇文者以誹謗論購賞千万吏移文所至掃滅  
唯恐不及明月湖亭亦被拆去俊民適至密令以石刻沉之水  
中因取其舊所藏韓文公廟碑稍完補之後二十年再遊凌雲  
當出而觀焉

書郭得之河朔十詩後

王彥先生

元祐中太師謫公以郭公得之十詩薦於左相呂公呂公復以  
薦於右相劉公於是十詩遂傳而得之之名重於當世今之士  
大夫乃以當時當軸者不即見用爲恨予觀前人成就後進爲  
朝廷得人者必使之涵養器業譽望日隆而爵祿自至不若近  
世之士相期於剋利以進退爲榮辱也世義道微予恐前人之  
風遂以滅息故書其末云

書諸公送周梓州詩後

東坡先生

予自元祐之初備位從官日與正孺游三年予既有江海之意  
有子孺亦慨然有歸欤之歎遂請梓州得之于時以詩送行有

掃棠陰踵畫像之語旋出領杭州二年還朝老病日加方上章  
請郡曰正孺已及瓜矣盡生代之遂歸老眉山乎或曰不可梓  
人之安正孺甚矣其去正孺如去父母子其忍奪之乃止不敢  
乞梓人願復舊留正孺數年詔許之而大丞相呂公典領寶錄  
見熙寧中正孺爲御史時所言事歎曰君子哉斯人也因言于  
上除正孺直秘閣士大夫以才能論議取合一時可也使入於  
十年之後徐觀其所爲心服而無異議我亦無愧難矣正孺有  
書衆欲刻諸公法行詩于石求余爲跋乃記所聞以遺之且使  
梓人知予前詩卒章之意未始一日忘也

書張橫渠先生編年歷後

西山先生

橫渠先生編年歷自黃帝至于本朝上下數千百載其書詳矣  
以博大公康節所著皇極經世參之自皇極經世已已周文王沒  
後九年丁丑武王觀兵于孟津又二年己卯伐商編年歷下卯  
文王斷夏曆之說乃受天命後九年甲戌文王沒又二年丁丑

武王伐商其所歷甲子至此始不同矣按泰誓惟十有一年武王伐商皇極經世是本於此編年歷斷以丁卯爲文王受命至乙亥文王沒凡九年又二年丁丑武王伐商是用回書注泰誓惟十有一年者通文王受命武王即位而言也武成惟九年者自文王斷虞芮之訟至于沒九年也蓋文王享國五十年自其沒而推九年以謂斷虞芮之訟而受天命非虞芮質成之義我當紂在上一西方伯受天命而諸侯歸之非理也非文王之心也文王受命之詩後世追誦其功曰文王有諡也則泰誓之十一年者武王之十一年也武成之九年者武王之九年也武王即位之九年觀兵十一年伐商其說正矣編年歷書受文王斷訟受命以伐商之年通文武而言者漢儒孔安國之說非周之史官詩人之說也非攬漢先生之說也司馬遷作周本紀並無歷亦云西伯以受命之年稱王斷虞芮之訟遂追王太王王季成王正朔易服色十年而崩蓋漢儒之論固然欤孔子贊文王曰三分天

下有其二以服事殷又曰外文明而外柔順以蒙大難又王以之未有南面自王而謂之服事更代易姓而謂之柔順孔子贊武王曰湯武革命又曰武王未受命未有父受之而子復革命父爲天子子之未受命也孔子漢儒之論宜知去取哉自司馬遷書之於冊有年矣獨梁肅能辨之至蘆蔭歐陽公始著泰誓論而懸諸日月矣編年歷起於黃帝之癸未皇極經世起於唐堯之甲辰起於癸未者以後漢志黃帝造歷元起辛卯也黃帝尚矣孔子猶難言之司馬遷亦略而不書范曄劉昭何從而得此說耶堯歷以甲辰起則皇甫謐尚能言之皇極經世先天歷也稱首於堯亦天也凡孝者自堯以降足以論著矣何待遠出洪荒不可知之說爲賢哉此孔子之意也康節之意也

書杜輿子師字說後

東坡先生

易曰君子得輿民所載也小人剥廬終不可用也夫君子得輿下完而上未具也小人剥廬上揭而下撓也下完而上未具也



安寢其中民將載之上壯而下撓疾走不顧猶懼下焉今君等  
修於身行修於家而祿未及既完其下矣故予以是名亭之尚  
無咎意於無異者而其文約其義近不足以發夫人之志若無  
咎者可謂屬於言而妙於理者也

書陳瑩中書後

西山先生

故諫議大夫陳公瑩中論康節先天之孝書為楊中立游定夫  
出也大諫公與康節不相接博之先君因公之請嘗盡以遺書  
之副歸焉於時國有民盜據頭位未發公以言刺之反得罪其  
後人無敢繼者盜之威自此盛卒至於亂天下世以公之明此  
漢何武唐郭子儀本朝呂獻可蘇明允矣或疑公前知如神亦  
出於康節之書則非也公既廢始為康節之孝其英偉絕人之  
資承簪於是故所得超詣見此書也中平定夫同出伊川先生  
之門於先達輩行或未詳遽論其孝固不能盡也明道伊川視  
康節為文人行康節好其人或而之志年故明道為康節賦詩

曰先生相與賞西蜀小子親携几杖來其恭如此橫渠先生而  
伊川有連於薦諸父比也橫渠每見康節尚拜天下傳猶記王  
母夫人語及伊川必曰程二秀才云云蓋康節高隱謝聘時伊  
川尚少未為世所知也博在兒童時見伊川後為伊川族弟穎  
遊穎知好大率伊川於其眷中獨尚之論易嘗從穎得書疏二  
通伊川迹也曰為易學者但取主輔嗣胡先生王荆公之說讀  
之無餘事矣今伊川易傳行于世大旨可槩見為其孝者據次  
大諫公所謂伏羲八卦語之則駭矣康節平居尚不以語人博  
其敢謂伊川有所不知也近時安人出雅書數千百條託為伊  
川之說意欲前無古人是以重吾之師矣如司馬又正張橫渠  
者皆議以為未至但以康節為數字是亦安知所謂數者非伊  
川之雅言也豈中立定夫亦惑於此乎大諫公又復論之深矣  
先君之戒則曰張巡許遠同為忠義兩家子弟材智下不能明  
二父之志更相毀於後世故并為退之所貶凡託伊川之說以

議五家文字者若子孫可勿辨博爲史官大諫公中子正同爲尚書郎其藝而賢尚以家世之故遇博厚爲博道公平生之言詳甚又出公此書俾博論者其下博不自不知大父之文字若其淵源不可認者亦嘗有聞矣然博之言有不敢盡者固博先君遺訓也

書楚元輔耆英圖後

西山先生

元豐五年文公鎮洛陽始爲耆英會母或以諸公爲樂者非也當王荊公已變更國朝舊制富公致大政司馬公免樞近楚公不主戰議罷西垣師以退居里中名公卿從遊者其論無不同時富公上疏曰老且仰屋竊嘆無所走憩司馬公預作遺表有懷忠不盡之意豈可爲之派弟其愛君憂國之心則安敢樂余觀圖書爲表出之

書游湯泉詩後

黃致一

余之所聞湯泉七其五則今三子之所游而秦君之賦所謂匡廬汝水尉氏驪山其二則余之所見鳳翔之洛谷焉渝州之陳氏

山居也皆奔於窮山之中山僧野人之所浴藥鹿猿獮之所飲  
惟驪山當往來之衝華堂玉枕獨爲勝絕然坐明皇之累系爲楊  
李祿山所汙使口舌之士援筆唾罵以爲亡國之余辱莫大焉  
今惠濟之泉獨爲三子者詠嘆如此豈非所寄僻遠不爲當塗  
者所遇而後得爲高人逸士與世異趣者之所樂乎或曰明皇  
之累楊李祿山之汙泉豈知惡之然則幽遠避陋之嘆亦非泉  
之所病也泉固先知於榮辱特以人意推之可以爲抱器適用  
而不擇所處者之戒年月日臨邛黃定

書馮給事和議解後

觀堂老人

異時蜀士有刀見者奏事畢因言和戎未便指斥公益棄事感  
上上曰此固劉季失史官記是固識之也頃內侍取一僊書來  
皆異時移虜頭虜報書言歸梓宮邊太后事其罪上曰朕於是  
焦心僅得之卿頭不欲何也因歔歔涕下由此觀之和事人臣  
宜贊之否耶頭有足憂者偷平之後有如監親得安否此又

君子雖贊且以憂之也是時給事中馮公倚角辯議獨發四策曰脩德增備勤好待時蓋有思慮並用國家兩安之說所謂得所宜贊又得所宜憂矣望之又有私憂立異以市智反前以爲功衆人之常情有聞此言不覈其事將有廢益員而任名者賈之登景世固俱過二人然維翰特耻國延廣歷天下而使二懼至覆石宗其過惟倍無其具而樂其功君子諱之他日唐恪主和誤於前何樂決戰敗於後殊轍而同覆也今公所言固自有指後日用事之公亦圖其實無惑其名酌其宜無察其機可以無過舉哉

書蜀郡掾治道記後

吳巖先生

蜀郡掾治道記今在榮經之西三千里景谷縣舊唐建武中元二年所刻也自建武中元二年丁巳距今紹興二十二年辛未凡千九十年三年蓋光武時蜀抵邛笮徼外途實歸此今已蕪廢弗治野人因樵蘇見之始傳墨本漢隸末有若此奇古者也

按後漢紀建武三十二年夏四月改爲中元無建武字又按祭  
祀志改建武三十二三年爲建武中元元年此記與志各紀失之  
矣宋鄭公崱輯紀年通譜記紀志俱出范氏而所載不同此必  
帝紀傳寫脫誤蓋官書累經校讎學者失於精審但建武改元復  
有建武二字輒妄以意刪去故定著建武中元元年又謂流俗  
以帝紀爲正久而弗悟乃并列中元之号疑以傳疑鄭公之慎  
也然續漢志實司馬彪所爲鄭公謂俱出范氏殆非矣獨東夷  
傳載倭奴國奉貢朝賀亦稱建武中元元年則俱出范氏也及  
司馬溫公作資治通鑑雖存鄭公說願從帝紀止稱中元蓋索  
宏後紀亦止稱中元不冠建武事无明證固宜從衆也若使此  
記早出其真偽立見則鄭公必不并列兩元溫公必不承索范  
之訛矣溫鄭皆大儒於出入證據之學尤詳偶未見此頗有遺  
恨歐陽永叔用意集古謂可正史傳闕謬詎不信夫惜此記又  
不使永叔見也春二月既望巽崑子真子書

書閩川名士傳後

內翰洪公

右閩川名士傳三卷唐崇文館校書郎黃璞所著也璞僖昭間人自號霧居子好著書多傳於時然其文寒陋弱陋無大辨又出晚唐諸人下獨是書紀閩士詳甚其生平無聞不能自列於史官者賴以不泯實有功於閩閩傳之耳蓋著錄者凡五十有四起中宗神龍訖昭之大順歷歲二百而上春官第者才四十而三不足以當國朝盛時一歲士文治興裴相萬如此韓文公曰閩人舉進士繇歐陽詹始史因之今考是書其前蓋有薛令之林藻以登科記驗之信然韓公偶不致詳耶抑以詹同年生尊之也書藏于人不廣多脫誤頃予以太清樓秘閣本是正之然後可讀又有傳後題累四百言益猥醜且於傳無益則弃弗取他有未避者姑存之須善本云紹興乙巳八月刻于長樂郡學舍

書李太白碑陰記

黃致一

李太白狂士也而嘗失節於永王璘此豈濟世之人哉而畢文  
簡公以王佐期之不亦過乎曰士固有大言而無實虛名不適  
於用者然不可以此料天下士士以氣為主方高力士用事公  
卿大夫爭事之而太白使脫靴殿上固已氣蓋天下矣使之得  
志必不肯附權倖以取容其肯從君於昏乎夏侯湛贊東方生  
云開濟明豁包含容大陵轢卿相朝西豪傑籠罩靡前臨藉  
貴勢出不休顯賤不憂戚戚方秉若僚友視儔列如草芥雄節  
邁倫高氣蓋世可謂拔乎其萃遊方之外者也吾於太白亦云  
年月日臨印黃定



新刊 國朝二百家名賢文粹卷第一百九十七

雜文

題跋七

讀孟嘗君傳

臨川先生

世皆稱孟嘗君能得士士以故歸之而卒賴其力以脫於虎豹之秦嗟乎孟嘗君特鷄鳴狗盜之雄耳豈足以言得士不然擅齊之強得一士焉且可以南面而制秦尚何取鷄鳴狗盜之力哉夫鷄鳴狗盜之出其門此士之所以不至也

讀賈誼傳

南豐先生

余讀三代兩漢之書至于奇辭奧旨光輝淵澄洞達心腑如登高山以望長江之浩流而恍然駭其氣之壯也故詭辭誘之而不能動淫辭迫之而不能顧考是而抑若別白黑而不能沽沽洋洋波徹際涯幾千萬年之遠而若會於吾心蓋自喜其資之者深而得之者多也既而遇事輒發足以自壯其氣養其辭源

源來而不雜別吾粗以迎其真植吾本以質其華其高足以凌  
青雲抗太虛而不入於詭誕其下足以及山川草木之理形狀  
變化之情而不入於卑汙及其事多而憂深慮遠之激扞有觸  
於吾心而干於吾氣故其言多而出於无聊讀之有憂怨不忍  
之態然其氣非以為无傷也於是又自喜其无入而不宜矣使  
予位之朝廷視天子所以措置指畫學今天下之意作之訓辭  
鏤之金石以傳太平无窮之業蓋未必不可觀者過其所感  
寓其所志則自以為皆无傷也余非賈生之不遇觀其為文經  
畫天下之便宜足以見其慮天下之心觀其過湘為賦以弔屈  
原足以見其憫時憂國而有觸於其氣後之人責其不遇而  
為是憂怨之言乃不知古詩之作皆古窮人之辭要之不悖於  
道義者皆可取也賈生少年多才見文帝極陳天下之事毅然  
无所阿避而絳灌之武夫相遭于朝蹙蹙之投規於矩曲強之不  
合故斥去不得為開朝廷之事以奮其其中之所欲言彼其不發

於一時猶可託文以據其蘊則夫賈生之志其亦可罪耶故于之窮餓足以知人之窮者亦必若此又嘗李文章而知窮人之粹自古皆然是以於賈生少進焉烏虜使賈生卒其所施為其功業宜有可述者又豈空言以道之哉予之所以自悲者亦若此然已之知者其誰歟雖不吾知誰患耶

讀魏鄭公傳

南豐先生

予觀太宗常屈已以從群臣之議而魏鄭公之徒喜遭其時感知已之遇事之大小无不諫諍雖其忠誠所自至亦得君以然也則思唐之所以治太宗之所以稱賢主而前世之君不及者其淵源皆出於此也能知其有此者以其書存也及觀鄭公以諫諍事付史官而太宗怒之薄其恩礼失終始之義則未嘗不反復嗟惜恨其不思而益知鄭公之賢焉夫君之使臣而臣之事君者向大公至正之道而已矣夫大公至正之道非滅人言以掩己過取小亮以私其短此其不可者也又有其不可者夫以

諫諍為當庵是以諫諍為非美也則後世誰復當諫諍乎況前  
代之君有納諫之美而後世不見則非惟失一時之公又將使  
後世之君冒前代无諫諍之事是啓其急且忘矣太宗末年群  
下既知此意而不言漸不知天下之得失至於遼東之敗而始  
恨鄭公不在世未嘗知其悔之萌芽出於此也夫伊尹周公何  
如人也伊尹周公之諫切其君者其言至深而其事至迫也存  
之於書未嘗掩焉至今稱太甲成王為賢君而伊尹周公為良  
相者以其書可見矣今當時削而去之成區區之小讓則後世  
何所據依而諫又何以知其為賢且良而朱紉幽厲始皇之亡  
則其臣之諫詞无見焉非其史之遺乃天下不敢言而然也則  
諫諍之无傳乃此數君之所以益暴其惡於後世而已矣或曰  
春秋之法為尊親賢者諱而此其戾也夫春秋之所諱者惡也  
納諫諍豈惡乎然則焚藁者非欤曰焚藁者誰欤非伊尹周公  
為之也近世取區區之小亮者為之耳其事又未是也何則以

焚其藁為掩君之過而使後世傳之則是使後世不見藁之是非而必其過過常在於君美常在於已也豈愛其君之謂歟孔光之去其藁之所言其在正邪未可知也其焚之而惑後世庸詎知非謀已之奸計乎或曰造辟而言譏辭而出異乎此曰此非聖人之所曾言也今乃一有是理亦謂君臣之間議論之際不欲漏其言於一時之人耳豈杜其告方世也噫以誠信待已而事其君而不欺乎方世者鄭公也益知其賢矣豈非然哉豈非然哉

讀李翱集

六一居士

予為西京苗守推官得此書於魏君書五十篇子嘗讀韓文所作哀歐陽詹文去詹之事既有李翱作傳而此書去之惜其遺闕者多矣

讀李翱文

錢學士君倚

夫音不可闕生筆不可闕味不可闕珍羞百品聖人之言不可闕

歌詠諷誦余少小讀聖人書意思則息息則卧卧已復讀如是者自不已然後乃能知聖人用心聖人之教深恠日忘不外且於藏書中得太白集伏而讀之恍然如聽金石祝歌而繼之以笙篳琴瑟也夫人日享太牢而厭焉必求珍羞百品而嗜之非其輕太牢而重百品理所然也太白之於李聖道者其亦幾於是乎觀其卷初若遽別離蜀道難胡無人戰城南之比皆辭氣抑揚始恠駭而終絜語雖放蕩邊偉如騏驎勇怒怒龍奮水之可畏其不也必造乎理然後折而正之非材雄性挺包括仁義者疇能若是惜哉使彼數百篇皆與此類則庶幾推道可復而後世无鄭節之蠹焉昔夫子刪詩皆諷刺褒美溫麗粹雅之兼備而又能被于管絃者存之其弗協是者去之故其三百五篇淳淳然如和氏璧之在世而人莫得指其瑕也烏牟太白之作不出於夫子之前夫子之刪不當于太白之後吾安知太白之爲幸也

讀柳宗元傳

臨川先生

余觀八司馬皆天下之奇材也一爲叔文所誘遂陷於不義至今士大夫欲爲君子者皆羞道而喜攻之然此八人者旣困矣無所用於世往往能自強以求別於後世而令名卒不廢焉而所謂欲爲君子者書多見其初而已要其終能毋與世俯仰以自別於小人者少耳復何議於彼哉

讀柳宗元文

錢學士君倚

余讀柳宗元之文疑其數人共爲之者是何溥駁正誕之不作也其言無不以周孔爲宗質夫弗類於溥然耶及乎語釋老則混混而不知避夫弗類於駁然耶前人之言一有涉恠者必折之使歸吾聖人域而後已夫弗類於正然耶及乎談天人列禍福則入於冥茫自然之說而弗繫於教化夫弗類於誕然耶宗元一人耳而其言焉反異如是余故曰疑其數人共爲之也余嘗讀唐史驗其行事亦與其言同意其亦欲高而不得其所以

高者乎雖然弗生於魯耳使生於魯余恐聖人之時不復有聞人者

讀柳子厚文

陸菴先生

子厚爲文善鈎扶物理纂織情狀皆有所寓也海賈放於利而走其身故招之溺者以利死故哀之不繩其身如曲几者斬栗慝不悛如蝮蛇者宥世固不自身故狀河間傳赤赤世固狎物矜已以宴安爲去禍故作臨江襲黔之驢永某氏鼠讀子厚文如臨師保訓詞章章可佩服其氣如大將申令毅然不可干子厚挺意豈苟然哉求爲大儒使吾骨已朽而千百年後恨不與柳子同時茲豈苟然者哉予視子厚所爲爲無一當其言者挈子厚有杜黃裳鄭餘慶許孟容楊於陵友子厚有韓愈蕭俛李建從子厚遊有吳武陵杜溫夫裳輩可依愈輩可植黨武陵輩可扶蒼翠之力黨之力扶之又力門下平章去子厚豈遠哉附執詛密叔文不啻海賈鹽千錢之溺子厚反自招反自哀也西凡



螻蛇子尊自道也季赤河間子尊自方矣耳臨江之粟租於牧  
文者然也黔之驢以虛名之足時也永其氏鼠真亦司馬耶何  
其語之神且果也子尊文如此行如彼子惠其文烈其人或曰  
焉可怨子曰小子尊之爲心而謹爲

讀柳子厚文

定庵先生

柳宗元博學能文亦聰明士也且於佛語相通作曹溪南岳諸  
碑頗有理不可謂全無見識一自覺悟亦傷推排恨徹有隨漢  
許京非李門下等書號控百端使人不忍聞何乃至此邪孟子  
曰仲不愧于夫俯不怍於人二鄉也宗元所犯與儉人交喪其  
名節衆當笑中罪狀最甚是其於俯仰真有愧怍天雖欲放懷  
自遣不失所繫焉可得哉東坡嶺外之行直至儋耳優游閑適  
無復死生作爲文益更精深華妙不見窮愁衰憊之氣坡之見  
識故非宗元比也而其所以解亦自俯仰無愧怍歟嘗謂有廉  
於心雖處富貴利達豈能免其憂無資於心雖遭貧賤感禍患不

足易其樂焉北齊有嬰當以節義自將公忠報國不為明邪附會僥倖祿仕使俯仰無愧作焉則無所往而不樂矣

讀江南錄

臨川先生

故散騎常侍徐公鉉奉太宗命撰江南錄至李氏亡國之際不言其君之過但以曆數存亡論之雖有愧於實錄其於春秋之義春秋微臣子為箕子之說周武王克商同箕子商所以亡其徐氏錄為得焉然吾聞國之將亡必有大惡惡者無大於殺忠臣國君無道不殺忠臣雖不至於治亦不至於亡紂為君至暴矣武王觀兵於孟津諸侯請伐紂武王曰未可及聞其殺王子比干然後知其將亡也一舉而勝焉李綱在隋隋人雖亂楚人不敗加兵虜以不用宮之奇之言晉人始有納璧假道之謀然則忠臣國之與出存與之存亡與之亡予自為兒童時已聞金陵臣潘佑以直言殺當時景師因舉兵來伐數以殺忠臣之罪及得佑所上諫李氏表觀之詞意實直忠臣之言予諸父中舊多

爲江南官有其言金陵事頗詳問祐所以死則信然則李氏之  
亡不徒然也今觀徐氏錄言佑死頗似妖妄與子舊所聞者甚  
不類不止於佑其死所誅者皆以罪矣何也子甚怪焉若以向  
紂及隋虞三君論之則李氏亡國之君必有濫誅吾知佑之死  
信爲無罪是乃徐氏匿之耳何以知其然吾以情得之大凡毀  
生於嫉嫉生於不勝此人之情也吾聞鉉與佑皆李氏臣而俱  
稱有文學十餘年爭名於朝廷間當李氏之危也佑能切諫鉉  
獨無一說以佑見誅鉉又不能力諍卒使其君有殺忠臣之名  
踐云國之禍皆鉉之由也鉉懼此過而又取其善及於佑故匿  
其忠而汙以它罪此人情之常也以佑觀之其它誅者又可知  
矣噫若果有此吾謂鉉不惟厚誣忠臣且其欺吾君不亦甚乎

讀臨川集

定庵先生

楊雄雖博學無所不見議論不詭聖又自孟子後少有以者然  
王莽之亂非特龔勝鮑宣能死九鄉里自毒者皆知遠其莽而

雄為仕之且為劇秦美新之文君子惜之馮道雖能勤儉刻苦  
以寬厚取稱於世然事四姓九君無所諫諍其視與君亡國亦  
未嘗負意君子惡之彼臨川王氏乃曰雄之仕合於孔子無不  
可之義不當非之天孔子之仕所謂無不可者將以行道也雄  
仕莽世果能行道乎若謂雄遭亂而仕全身遠害如詩人所稱  
猶庶幾焉豈可以孔子然劇秦美新又豈當作邪又曰道在五  
代時最佳善避難安能安主存身夫避難存身豈人臣事主之  
義道所事之主與云拯踵謂其能安之者果誰邪王氏號一代  
儒宗當以忠義志節勵天下後世而議論若此使人人師其  
言又安有守義不屈云身為國者哉靖康圍城之初朝臣有為  
天子而奔者是年京師復陷虜人欲廢趙氏聞孫傳素眾將任  
祐哀而從者無三十人至張邦昌即偽位廷中稱賀無慮千百  
輩皆是則一時公卿士大夫所謂忠義志節蓋可見矣非有  
以涓之邪王氏之學其於害名教有如此者今學者猶以為不

當發烏鵲異哉

讀籍田詔

王震先生

臣恭觀詔書今春皇帝親籍千畝行三推之禮以為農先此盛事也亦時務出漢文帝二年詔開籍田時天下之民歷戰國至秦劉項之後生齒盡矣文帝收其餘黎勸之力措故海內富實幾至刑措今兵革不用流亡來歸吾君務農重穀期於富而教之茲治道之本也臣昔官在禮曹又兼職太史而負罪輒竊憂難居窮裔既不得討論盛典以與從事又不得執筆書之於策以傳無窮似亦有留滯周南之歎是命也夫是命也夫

讀紹興詔書

定庵先生

紹興元年九月天子下詔以父兄遠狩歲月浸深雖禱祀而來不忘於寤寐而祈請之使莫效於精誠引領瞻望心焉如疚恭惟道君皇帝在位日久淵聖皇帝積德東宮四海生靈感家息育自遭夷虜之難天下冤痛詔旨一傳莫不發憤興嘆涕淚橫

臆鄉人以余粗知忠義。康初舉進。狂言得罪。不悔。今雖亦落。而愛國之心未忘也。必有奇謀妙策。爲上開陳。余罪戾餘生。旣以言獲護。方追省往往。杜門自訟。豈敢復踵前轍。重貽後患也。邇歲山林無所干。及且或動招謗議。則凡知余實有忠義。幾何人哉。往者謂之貪冒。爵賞或賈直取名耳。寧若默默之爲愈邪。雖然。私有說焉。夫聖人之德。無加於孝弟。經曰。孝弟之至。通於神明。光于四海。無所不通。切讀詔語曰。若於艱危之際。稱秩元祀。蓋以溫清急難之念。請命于皇天后土。及我祖宗夙夜祗栗。以俟降監。載念國家百七十年之涵養。豈無忠義感發。懷賢事謀之士。如漢侯生。應四方有爲。謀策能激兩宮。當以王爵賞之。播告天下。明知朕意。爲虛觀。天子念及父兄。一至於此。孝弟亦盡矣。豈不足以動天地。格祖宗。感人心邪。天地祖宗與夫人心。旣已感動。兩宮其有不可還哉。然漢自有言。應天以實。不以文。動民以行。不以言。第求禱祀之禮。雖曰恪勤以文而已。詔令之

下雖曰丁寧以言而已文具而實不存言形而行不至未見其  
可昔者人舜以不順父母如窮人無所歸故其憂至於人悅之  
好色富貴皆無以易也況於父兄親族久處沙漠曾無還期其  
憂當如何邪天子若曰吾雖以一人之尊享天下之奉崇閭閻  
貴不足爲榮聲色苑囿不足爲樂唯念父兄在遠朝夕憂憤方  
將推誠竭慮舉賢用能修政事懷夷狄區區之心不敢以一言  
爲重而父兄爲輕故雖身當矢石躬履行陣衝犯霜露跋涉  
川谷可以迎還兩宮所不辭也如是而祈天地祖宗非徒有文  
而曰如是而曉天下人心非徒有三言而已將見冥冥之中天地  
垂休祖宗降福況於人心同然而易感者乎非特公卿百官將  
帥士卒各承上意效死當前雖四方萬里之民智者獻謀勇者  
奮命富者輸財貧者出力以致巨奸效猾寇蜂屯蟻聚及前日之  
不順王命者莫不回心易慮願爲國家用矣於是傳檄遠近自  
江淮以北至西域兩河聞天子孝弟感通幽明天人效順皆心

悅誠服豈有復從夷虜而不簞食盡粟以迎王師乎夫威所至  
神武赫然如商高宗之伐鬼方如周宣王之征獯鬻荆如漢  
光武之勇於大敵當是時尚且憂兩宮親戚不可還邪驅逐蠻夷  
克復疆土雪積年之耻成中興之功在此舉矣如或捨是而不  
為雖歲時禱祀日曰下詔皆無益也切見朝廷駐蹕會稽行且  
二年未聞少有所置每至秋冬即放散百官安排升舟為逃難  
之計略有急報紛然奔走尚復有謀還兩宮哉四五年間遣使  
多矣未聞得一忠勇之士不顧萬死往來虜廷以奇巧計策探  
知兩宮所在起居動靜者況望其還乎今詔書曠惜無忠義之  
士如漢侯生欲得四方有為謀策能還兩宮余觀今日事勢雖  
使有如樊噲者願得十萬衆橫行匈奴有如終軍者願受長纆  
驅南越王有如六國辨士儀秦之徒願以縱橫詭詐游說而動  
虜人衆必指為狂生欺誕之言朝廷亦未必信也且項羽雖得  
漢王父母妻子置軍中然當是時漢兵自盛項羽糧匱師老自



知不可不還故侯生之策可行不然則豈復能得哉故知今日之事以執觀之雖曰侯生無所施其巧矣然則為今之策莫過天子以身先之而臣餘皆不足以動天地格祖宗感人心也然此事言之為難孟子曰貴難於君謂之恭苟以為難而不言是從諛之臣非所謂恭於君也况孝弟也者出於人性之自然而主上聰明勇智得於生知若公卿大目力推此說朝夕進勸必肯奮然而從殆非疎遠之目片言可以感悟也切惟國家承平既久祖宗恩德餘遠無疆天地人心於宋厚矣自胡騎蹂躪中原車駕順動東南州軍連歲豐稔雖有盜賊民不肯從懸官征求悉力應副若能乘此時祖宗恩德未替天地人心未厭躬行孝弟一舉而圖之無不可者如或因仍苟且日謀退避一失機會恐身不能安國不能立望兩宮之還得乎哉且夷狄盛彊焉能長久金人本以農牧為區故雖大邦微倖屢勝會得無厭肆禽獸之虐荼毒生靈天祐其祚無城不可恃但國家未能向前耳

杜詩伏人方強驢車官走馬避之至文主之興則民夷駭矣其喙矣可不勉哉余旣以狂妄廢黜終不復敢用未信之言上通九重而中心憤懣不能自已因輒以所聞私自記之

新刊國朝二百家名賢文粹卷第二百九十七

文章實盛於

國朝而得見其全者或寡自近歲傳  
於世者始有選經濟有錄播芳流  
皆有集凡前輩大老鉅工名儒風  
墨占夫抗美發潛之文亦鮮備  
夫得美  
者迷論議所以經濟天人發明  
也

聖令在者或罕其存脫或有傳則數  
而未此書旁搜類聚摠括精華會  
衆作此匯百川氣象渾大誠足以補  
人闕典記者不特可以藏斯文亦示  
魏之皇宗文物之盛也且云慶元丁巳孟  
春中泚日歐陽書隱齋識